

per quosvis Clericos, tam seculares, quam quorumvis etiam Mendicantium Ordinum, ac militiarum regulares, etiam in sacris ordinibus constitutos, cuiuscumque status, ordinis, & conditionis essent, ac Archiepiscopali, Episcopali, vel alia majori dignitate praefulgerent, ex negociatione illicita, aut alias contra sacros Canones quomodolibet acquisita, quae pro tempore post obitum eorum, qui etiam ex facultate, quam habuissent, testandi, condito testamento ubivis locorum decessissent, & decederent, aut quibus illos desitui contigisset, remansissent, & remanerent, ad eandem Cameram, & non ad alios, etiam in quibusvis Cathedralibus, & Metropolitanis, & Collegiatis, ac aliis Ecclesiis, Monasteriis, Hospitalibus, Militiis, ceterisque beneficiis Ecclesiasticis, cum cura, & sine cura, secularibus, & quorumvis Ordinum regularibus, qualitercumque qualificatis, successores, illa in titulum, commendam, administrationem, ac alias quomodolibet pro tempore obtinentes, etiam si ad illa, vigore Prioris tituli, jus regredien., seu acceden., & ingrediendi. aliquibus concessum fuisset, spectasse, & spectare, & sub nomine spoliatorum venire, illaque uti spolia ad Cameram ipsam pertinent. perpetuo colligi, & recuperari potuisse, & posse, ac debere. Et ita per quoscumque iudices quavis auctoritate fungentes in quacumque instantia, sublata eis quavis aliter iudican., & interpretandi facultate, & auctoritate, iudicari, & definiti debere: necnon irritum, & inane, quidquid secus super his a quoquam quavis auctoritate scienter, vel ignoranter contigerit attentari, decreverimus, & declaraverimus, cum mandati, derogationis, aliisque clausulis, tunc expressis, prout in nostris desuper in forma Brevis sub dat. videlicet, Nonis Novemb. Pontificatus nostri Anno I., ex praedictis literis, quarum tenores hic haberi volumus pro expressis, latius continetur.

Ideo ista religio dubitavit, ut dicitur, in causa, quae dicitur, de Camera.

§.3. Cumque Magnus Magister, & Conventus, ac fratres Milites praefati occurrentium Fratrum Hospitalis praedicti obitu, super eorumdem decessentium fratrum Militum bonis, per jurium, & spoliatorum, Camerae nostrae Apostolicae praedictae Collectores, & ejusdem Camerae Commissarios, earumdem literarum vigore molestari dubitent. Nosque ejusdem Hospitalis, & illius personarum manutentioni, ac necessitatibus, quantum cum Deo possumus, libenter providere procuramus, maxime considerantes attentius ejusdem Hospitalis fratres Milites, se & sua, pro fide, & illius defensione, in crudelissimos Christiani nominis hostes exponere necesse esse continuo, hoc praesertim instanti tempore, quo idem immanissimus hostis Turcarum tyrannus lucri proxime praeteriti non immemor, in animarum Christianorum adeo spirat minas ut omnibus fidelibus, magis tamen fratribus Militibus pavorem incutens, ipsos non immerito ad diligentem excitationem rerum providentiam, propterea non convenire, ut

eadem fratres Milites, qui superstitibus existunt, defunctorum spoliati bonis, ad suorum, aliorumque Christianorum defensionem, rebus priventur necessariis.

§.4. Idcirco, ut omnis habetandi materia submoveatur, ejusdem Hospitalis, & illius personarum hujusmodi indemnitate paterno consulere affectu, ipsosque specialis gratiae favore prosequi volentes, Motu proprio, & ex certa nostra scientia, ac de Apostolicae potestatis plenitudine, auctoritate Apostolica tenore praesentium declaramus, decernimus, & in verbo veritatis attestamus, nostrae intentionis numquam fuisse, nec esse, nec in posterum fore, per dictas nostras, aut quascumque alias literas, a Nobis, & Sede Apostolica, ac alias quomodolibet pro tempore emanatas, etiam quascumque generales, vel speciales, etiam derogatorias derogatorias, aliasque efficaciores, & insolitas clausulas, nec irritantia decreta, sub quacumque verborum expressione in se continentes statutis, stabilimentis, usibus, & naturis Hospitalis praedicti, ac privilegiis, indultis, ac aliis gratis, illi, ejusque personis concessis, & concedendis in aliquo derogasse, nec derogare, seu aliquod ejus, vel eorum cuilibet praedicti intulisse, nec inferre, sed semper valida, & efficacia, ac illa, & in suo robore permanisse, & permanere, nec eadem neque Hospitalis, Conventum, Fratres, Milites, & personas praefatos, subscriptis, aut quibuscumque similibus, aut dissimilibus literis, decretis, declarationibus, onerum impositionibus, ullatenus comprehendi, sed semper ab illis excipi, & quoties illae emanabunt, toties in pristinum, & validum statum restitui debere, ac excepta, & restituta, & de novo etiam sub dat. &c. per Magnum Magistrum, & Conventum praefatos eligenda, concessa fore, & censeri debere.

Hic ergo Pontifex declarat sub d. Constitutione, & aliis similibus dictam Religionem comprehendendi.

Omniaque bona personarum d. Religionis decessentium ei applicat, & ad Cameram, aut alios non spectare declarat.

§.5. Omniaque, & singula res, & bona cuiuscumque qualitatis, & quantitatis existentia, ac in quibusvis rebus, & regnis, necnon dominiis tam citra, quam ultramontes, & maria consentientia, per quosvis Fratres, Milites, & personas dicti Hospitalis quomodolibet acquisita, quae pro tempore post eorum obitum, ubivis locorum decesserint, & decedent, aut quibus illos etiam eis viventibus (non tamen per Sedem Apostolicam privari, aut eis desitui contigeret) haecenus remanserunt, remanent, & remanebunt, ad Hospitalis, & Conventum praefatos, non autem ad eandem Cameram, seu alios quoscumque alias juxta stabilimentorum, usum, naturarum, statutorum, & privilegiorum hujusmodi formam, & tenorem spectasse, & spectare.

Agentes Religionis in hac exactione non molestantur.

§.6. Necnon Hospitalis, & Conventum hujusmodi, aut pro eis agentes per Camerae hujusmodi jurium, spoliatorum, & bonorum Collectores, & subcollectores, exactores, Commissarios, vel alios quacumque auctoritate, dignitate, vel officio fungentes, & functuros, nullatenus molestari, inquietari, vel perturbari posse nec debere.

inquietari, vel perturbari posse nec debere. Et ita per quosvis Iudices quavis etiam auctoritate Apostolica fungent, etiam Palatii nostri causarum Auditores, in quavis causa, & instantia, sublata eis, & eorum cuilibet quavis aliter iudicandi, & interpretandi facultate, & auctoritate, iudicari, & definiti debere, necnon irritum, & inane, quidquid secus super his a quoquam quavis auctoritate scienter, vel ignoranter attentatum est forsan haecenus, vel in posterum, contigerit attentari, decernimus, & declaramus.

Contraria non obstant.

§.7. Non obstantibus praemissis, ac quibusvis Constitutionibus, & Ordinationibus Apostolicis, necnon etiam juramento, confirmatione Apostolica, vel quavis firmitate alia roboratis statutis, consuetudinibus, stabilimentis, usibus, & naturis, ac reformationibus, privilegiis quoque, indultis, & literis Apostolicis, & Camerae hujusmodi jurium, spoliatorum, & bonorum Collectoribus, Subcollectoribus, Exactoribus, Commissariis praedictis, & quibusvis aliis personis in genere, vel in specie, sub quibuscumque tenoribus, & formis, ac cum quibusvis etiam derogatoriis derogatoriis, aliisque efficacioribus, & efficacissimis, ac insolitis clausulis, necnon irritantibus, & aliis decretis, etiam motu, scientia, ac potestate similibus, ac alias in contrarium quomodolibet concessis, & etiam iteratis vicibus approbatis, & innovatis. Quibus omnibus, & singulis etiam si pro eorum sufficienti derogatione, de eis, eorumque totis tenoribus specialis specifica, expressa, & individua, ac de verbo ad verbum, non autem per clausulas generales idem importantes, mentio, seu quavis alia expressio habenda, aut aliqua exquisita forma servanda foret, tenores hujusmodi, ac si de verbo ad verbum nihil penitus omisso, & forma in illis tradita observata, inserti forent, praesentibus pro sufficienter expressis habentes, illis alias in suo robore permansuris, hac vice dumtaxat specialiter, & expresse derogamus, ceterisque contrariis quibuscumque, aut si aliquibus communitur, vel divisim ab eadem sit Sede indultum, quod interdicti, suspendi, vel excommunicari non possint per literas Apostolicas non facientes plenam, & expressam, ac de verbo ad verbum de indulto hujusmodi mentionem.

D. P. An. II. die 24. Martii.

Datum Romae apud S. Petrum, sub annulo Piscatoris, die 24. Martii, millesimo quingentesimo sexagesimo primo, Pontificatus nostri anno II.

Confraternitatis sub invocatione Sacchissimi Crucifixi ad pauperes Virgines maritandum, aliaque pia opera exercendum pridem in Urbe instituta, in Archiconfraternitatem erectio: Cum indulto singulis annis in Festo S. Crucis, unum reum capitaliter condemnatum e carceribus liberandi. Jurisdictione Cardinalis ejus Protectoris quascumque ipsius causas cognoscendi.

PIUS PAPA QUARTUS

Motu proprio &c.

Cum, sicut accepimus, venerabilis Confraternitas, seu Societas Imaginis Sanctissimi Crucifixi in Ecclesia S. Marcelli de Urbe, ejusque Custodes, & Confratres, ob lites, & quaestiones, quibus ad diversis Urbis Tribunalia occasione locationum, censuum, donationum, hereditatum, legatorum, & diversarum aliarum rerum, ejusdem, tam agendo, quam defendendo jugiter implicita existat, quamplurimam, & interesse patiat, ac impensam litis valorem rei, de qua ex tempore agitur, saepenumero exuperet.

Causa hujus Constitutionis.

§.1. Nos Societatem praedictam, in qua piissima caritatis, & misericordiae opera, elemosynas pauperibus, & miserabilibus puellis dotes elargiendo continuo impendi spectantur, ab hujusmodi dispendiis, quantum possumus, sublevare volentes, Motu proprio, & ex certa nostra scientia, ac de Apostolica potestatis plenitudine, omnes, & singulas causas, lites, quaestiones, & controversias inter dictam Societatem, sive ejusdem dilectos filios Custodes, Officiales, & Ministros, & quascumque alias, etiam singulares personas, tam laicas, quam ecclesiasticas, Universitates, Societates, Congregationes, Monasteria, & alia hujusmodi loca cuiuscumque gradus, status, ordinis, & conditionis existentia coram S. R. E. Camerario, Regente, Praesidente, & Clericis Camerae Apostolicae, necnon Vicario, Gubernatore, ac Senatore Urbis, illius collateralibus, & Judicibus, ac appellationum causarum Curiae Capitolii ejusdem Urbis Capitaneo, & aliis quibuscumque Judicibus ordinariis, & a Nobis specialiter quomodocumque Commissariis deputatis, & delegatis, etiam causarum Sacri Palatii Apostolici Auditoribus, & Locatenentibus, ac ejusdem S. R. E. Cardinalibus, nunc & pro tempore motas, pendentes, & quomodolibet movendas, super quibuscumque locationibus, venditionibus, donationibus, legatis, fideicommissis, testamentis, hereditatibus, ac illarum discussionibus, atque quorumcumque jurium, & actionum cessionibus, aliisque inter vivos contractibus, executionibus, revocationibus, bonis, rebus, juribus, & actionibus Societatem praedictam, ejusque Custodes, Officiales, Ministrorum, & litis consortes, tam conjunctim, quam divisim, ac tam active, quam passive concernentibus,

Advocat ad se iste Pontifex omnes causas civiles, Societatem tangentes.



ad Societatem ipsam quomodolibet spectantibus, in quacumque instantia inter illam, ejusque Custodes, & alios prefatos, necnon alia eque, vel magis pia loca, Universitates, Monasteria, Congregationes, & Collegia quomodocumque privilegiata, ac viduas, pupillos, & alias personas etiam exemptas, pendentes, & motas, & movendas, cujuscumque gradus, status, conditionis, ordinis, & naturae existant, etiam praemissis expressis majores, quarum omnium statum, & merita, ac Judicium, & colligantium nomina, & cognomina, ac qualitates, ceteraque etiam de necessitate exprimitenda, praesentibus haberi volumus pro expressis in statu, & terminis, in quibus modo reperiuntur, dummodo non sint instruita, harum serie ad Nos advocantes.

§.2. Dilectum filium nostrum Raynuntium Farnesium tituli S. Angeli Presbyterum S. R. E. Cardinalem, ac Majorem Penitentiarium, modernum, ac pro tempore existentem Protectorem ejusdem Societatis, Judicem Ordinarium, ac perpetuum ad praedictas, necnon quascumque alias similes, vel dissimiles causas civiles, ad Societatem hujusmodi pertinentes, tam per eos, quam contra eos, & inter eos, ac personas, Universitates, Collegia, seu alia loca praedicta etiam privilegiata, & exempta, tam active, quam passive, pro tempore movendas, juxta ordinariam facultatem, seu jurisdictionem tam Gubernatori, quam Regenti Camerae Apostolicae, seu Vicario nostro praefatis, & eorum cuilibet attributas, ac prout rerum qualitas exegerit, seu postulerit, cum omnibus, & singulis earum incident., dependen., emergent., annexis, & connexis, summarie, simpliciter, & de plano, sine strepitu, ac figura iudicii, & absque tela judiciaria, & sola veritate inspecta, & absque aliorum terminorum substantialium observatione, aut alicujus registri, vel extractus confectione, per se ipsum, seu alios ab eo deputandos, audiendas, cognoscendas, sineque debito terminandas, auctoritate Apostolica tenore praesentium perpetuo constituimus, & deputamus; & ad hunc effectum illi etiam per alium, seu alios quoscumque tam in Romana Curia, quam extra eam, etiam per editum publicum, constituto sibi etiam summarie de non tuto accessu, citandi, & movendi, eisdemque, & praefatis, ac quibuscumque aliis ejusdem Urbis Curiarum Judicibus, & personis, tam Ecclesiasticis, quam secularibus, quibus, & quoties opus fuerit, etiam sub sententiis, censuris, & poenis Ecclesiasticis, ac etiam pecuniariis, quibus sibi ab eo tempore deputando Auditori videbitur, inhiben. & in eventum non partitionis contra inobedien. contumaces, & rebelles, ad declarationem incurfus censurarum, & poenarum hujusmodi, illarumque aggravationes, & reagravationes, & alias juxta morem, & styllum dictarum Curiarum in similibus servari solitum, ac alias, prout sibi videbitur, procedendi.

§.3. Sententiamque, sive septentias de-

Illorumque Judicem ordinariū eligi Protectorem Societatis vel ab eo deputandum cum facultate procedendi summarie &c.

Sententias exequendi.

bitae executioni demandandi, sive demandari faciendi.

§.4. Contradictores quoslibet, & rebelles per censuras, & poenas Ecclesiasticas, ac etiam pecuniarias, aliaque juris, & facti remedia opportuna, appellatione postposita, compescendi, auxiliumque brachii secularis ad hoc, si opus fuerit, invocandi, omniaque alia, & singula in praemissis, & circa ea quomodolibet necessaria & opportuna faciendi, geren. & exequen. plenam, & liberam, ac amplam licentiam, & facultatem, atque auctoritatem concedimus.

§.5. Decernentes, quod ipsius Reverendiss. Cardinalis Protectoris, sive ipsius deputandi pro tempore Auditoris, sententias, ordinationibus, & decretis, nullitas aliqua opponi nullo modo possit, nisi ex defectu jurisdictionis, citationis, & mandati.

§.6. Et licet ad instantiam quorumcumque haredum, sive quorumlibet aliorum committatur in futurum, vel etiam modo pendeat commissa causa discussionis alicujus hareditatis, & dictae Societati, seu Custodibus, & Officialibus ipsius, etiam virtute commissionis fuerit inhibendum, tamen ne exactio creditorum in praedictum ipsius Societatis proteletur, data idonea cautione per dictos Custodes, & Officiales, de restituend. summam debitam, in eventum succumbentiae Prioribus, & potioribus creditoribus, dictus Reverendissimus Cardinalis Protector praedictos haredes, sive alios quoscumque debitores, seu ipsorum quorumlibet ex quacumque causa cessantiorum, vel ab eis quorumlibet, & ex quocumque titulo causam habentes, ad satisfaciendum integraliter dictae Societati, de ejus credito juris, & facti remediis opportunis cogat, & compellat.

§.7. Ac in omnibus, & singulis, & quibuscumque causis praefatis, ad dictam Societatem, ut supra, spectan. singulis diebus, & horis feriatis, & non feriatis, praeterquam in honorem Dei, etiam tempore feriarum ob necessitatem hominum indicendarum procedat.

§.8. Ac Notarium actuarium, quem sibi placuerit, deputet.

§.9. Et quod citationes in causis praedictis etiam per Mandatarium Curiae Capitolii fieri possint.

§.10. Et quod quicumque executores Tribunalium Urbis possint, & debeant exequi, & effectualiter executioni mandare omnes, & singulas sententias, decreta, & mandata praefati Raynuntii Cardinalis Protectoris, sive ab eo deputatorum, quae non obstant regula Cancellariae, &c. sufficiant, si signata sint ejusdem Raynuntii Cardinalis parvo sigillo.

§.11. Decernentes insuper Societatem praedictam ejusque Officiales, & personas, hujusmodi ex nunc deinceps occasione praemissorum alibi, quam coram praefato Reverendiss. Cardinali Protectore conveniri, aut ad alios convenien. constringi non posse, ac processus, sententias, & decreta per alium

Contradictores coacten.

Rejctis nullitatibus praeterquam ex tibus.

Cogendique debitores ad satisfaciend. Societati, data executione, &c. non obstant. pendentia licit. discussionis.

Singulis diebus procedendi.

Notarium deputandi.

Mandatarium Capitolii dat facultatem ejus cit. exequendi.

Executoresque obligat ad exequend. ejus mandata.

Annulat pro cessus aliorum Judicum.

alium, sive alios tam ordinarios, quam etiam specialiter deputatos, & delegatos Judices in causis praefatis quomodolibet pro tempore formatos in prima instantia latas, & factas, cum inde secutis quibuscumque, nullas, irritas, & inanes, nulliusque roboris, & momenti fore.

§.12. Praesentes quoque literas sub quibusvis revocationibus, suspensionibus, & exemptionibus, similibus, vel dissimilibus gratiarum, etiam per Nos, & successores nostros Rom. Pontifices, & Sedem praefatam, vel ejus Legatos etiam per regulas Cancellariae Apostolicae pro tempore factas, etiam in favorem Fabricae Basilicae Principis Apostolorum de Urbe, nullatenus comprehendendi, sed semper ab illis penitus, & omnino exceptas esse, & censer. nec eisdem praesentibus pro quascumque literas, etiam quasvis clausulas generales, & speciales, etiam derogatorias derogatorias efficaciores, & insolitas, ac etiam irritantia decreta, sub quacumque verborum expressione in se continentes, derogari posse, & si illis ullo umquam tempore, ex aliqua etiam quantumvis necessaria, & urgenti causa derogari contingat, nisi tenor illarum de verbo ad verbum nihil omisso insertus, & hujusmodi derogatio consistorialiter facta, ac per trinas, & distinctas literas eundem tenorem continentes, tribus similibus distinctis vicibus, administratoribus, sive Custodibus, ac aliis Officialibus Societatis hujusmodi legitime insinuata, & intimata fuerit, eorumque ad id expressus accedat assensus, derogationem hujusmodi nemini suffragari. Sicque per quoscumque Judices quavis auctoritate fungentes etiam praefata Romanae Ecclesiae Cardinales, subblata eis, & eorum cuilibet quavis aliter judicandi, & interpretandi facultate, & auctoritate, ubique judicari, & definiri debere, irritum quoque, &c. attentari.

§.13. Non obstantib. praemissis, & fel. rec. Bonifacii PP. VIII. Praedecessoris nostri de una, & in Concilio generali edita de duabus dietis, dummodo ultra tres dietas, aliquis auctoritate praesentium ad iudicium non trahatur, aliisque Constitutionibus, & Ordinationibus Apostolicis, necnon Fabricae praedictae, ac Hospitalium, Ecclesiarum, Monasteriorum, & aliorum quorumcumque locorum, & Ordinum, etiam exemptorum juramento, confirmatione, Apostolica, vel quavis firmitate alia roboratis statutis, & consuetudinibus, privilegiis quoque, indultis, conservatoriis, exemptionibus, & literis Apostolicis, eisdem ac dilectis filiis Populo Romano, necnon Judicibus, Curis, & Tribunalibus, eorumque personis, per quoscumque Romanos Pontifices Praedecessores nostros, ac Nos, & dictam Sedem, etiam motu, scientia, ac potestatis plenitudine similibus, ac alias sub quibuscumque tenoribus, & formis, ac cum quibusvis clausulis, & decretis in contrarium quomodolibet concessis, confirmatis, & innovatis, necnon reformationibus, etiam noviter factis, ac paribus

Clausulas hujus concessionis praeservandas apponit.

Clausulae derogatorias derogatorias subdit.

Regl. Rom. Tom. IV. Part. II.

motu, & scientia approbatis, etiam disponentibus, quod causa hujusmodi ad forum, seu Curiam Capitolii reavsumi debeant. Quibus omnibus etiam si pro illorum sufficienti derogatione alias de illis, eorumque totis tenoribus specialis, specifica, expressa, & individua, ac de verbo ad verbum, nihil penitus omisso, & forma in illis tradita, observata inserti forent, praesentibus pro sufficienter expressis habentes, illis alias in suo robore permanfuris, hac vice dumtaxat harum serie specialiter, & expresse, ac eisdem motu & scientia, & potestatis plenitudine derogamus, ac sufficienter derogatum esse decernimus, contrariis quibuscumque. Aut si praefatis vel quibusvis aliis communiter, vel divisim, ab eadem sit Sede indultum, quod interdici, suspendi, vel excommunicari, aut extra, vel ultra certa loca, Curias, & Tribunalia ad iudicium trahi non possint, per literas Apostolicas non facientes plenam & expressam, ac de verbo ad verbum de indulto hujusmodi mentionem, & quibuslibet aliis privilegiis, indultis, & literis Apostolicis generalibus, vel specialibus quorumcumque tenorum, existant, per quae praesentibus non expressa, aut totaliter non inserta jurisdictionis ipsius Protectoris explicatio impediri valeat quomodolibet, vel differri, & de quibus, quorumque totis tenoribus de verbo ad verbum habenda sit in nostris literis mentio specialis.

§.13. Et quia difficile foret praesentes literas ad singula loca, quibus illis pro tempore opus fuerit, deferre volumus, & praefata auctoritate decernimus, quod illarum transumptis manu Notarii publici subscriptis, & sigillo Protectoris, vel Societatis hujusmodi, seu personae in dignitate Ecclesiastica constitutae, vel Curiae etiam secularis munitis, eadem prorsus fides adhibeatur, quae adhiberetur eisdem praesentibus, si forent exhibitae, vel ostensa.

Placet Motu proprio. I. Datum Romae apud Sanctum Petrum, Sexto Idus Aprilis Anno secundo. Sequitur Erectio in Archiconfraternitatem, & indultum liberandi carceratum.

PIUS PAPA QUARTUS

Motu proprio &c. Um sicut Nobis innouit, in Confraternitate Sanctiss. Crucifixi in Ecclesia Monasterii S. Marcelli de Urbe instituta, dilecti filii illius Confratres quamplura opera caritatis, Domino honorum omnium largitore opulante, haecenus tum in colenda Sanctiss. Crucifixi Imagine, quae in ipsa Ecclesia sita est, tum in visitandis pauperibus infirmis ejusdem Confraternitatis, eisdemque Medicum adhibendo, & subsidium transmitten. sepeliendisque Pauperibus mortuis, maritandis Virginitibus, recitan. Officium, illique continuo quibusvis diebus festivis, & quadragesimalibus interessentum etiam in aliis diversis piis, & laudabilibus

Transumptis eidem praesentibus jubet.

Papae subscript. D. p. An. II. die 8. April.

Huic Sodali-tati multa pia opera exerceant, confirmat hic Pontifex; indultum liberandum condonatum in festo S. Crucis, sed ejus Ballam omitti, quia hoc sufficienter hic est relatam.



libus operibus, & maxime expensis, & sumptibus, quæ, & qui de præfenti in erectione, & fabrica eorum Oratorii fiunt, & fieri spectantur, exercuerint & exercent. Nos qui nuper, seu alias gratiam eisdem Confratribus per fel. rec. Julium Papam III. Prædecessorem nostrum factam, ut unum vinctum, seu Carceratum, & ex causa capitali damnatum, quem mallet ex quocumque crimine, excepto crimine hæresis, & læsæ Majestatis, dummodo pacem ab hæredibus defuncti habeat, anno singulo in perpetuum in festo Inventionis S. Crucis de mensè Maii, seu in festo Exaltationis ejusdem de mensè Septembris in honorem SS. D. N. Jesu Cristi liberare, & ex carceribus extrahere possent, & prout præfatus fel. rec. Julius III. concefferat, confirmavimus, & approbavimus, & quatenus opus, etiam de novo concessimus, prout in nostro Motu proprio latius constat, & apparet.

Et nunc eam in Archiconfraternitatem erigit.

§.1. Cupientes eandem Societatem, & Confratres spiritualibus gratiis, & favoribus prosequi, ac ut ipsa opera non minuantur, sed id dies augeantur, ipsos Confratres, aliosque devotos fideles allicere, & propterea ipsam Confraternitatem, & illius Confratres gratiarum muneribus ornare, & decorare volentes, motu simili, &c. ipsam Societatem, & Confraternitatem omnium aliarum Confraternitatum, quæ sub invocatione nominis Sanctissimi Crucifixi hætenus in toto Orbe Terrarum erecta fuerunt, seu in posterum erigi contigerit, Archiconfraternitatem facimus, creamus, erigimus, constituimus, deputamus, ordinamus, & esse volumus. Ita ut sit Caput omnium Societatum, & Confraternitatum sub Sanctissimo Nomine Crucifixi erectarum, & erigen. Omnesque alias Confraternitates erectas, & erigendas sub nomine præfato ubicumque locorum sitæ sint, præfata Confraternitati immediate subdicimus, & membra Societatis præfate, & ab ea dependentia constituimus, deputamus, & ordinamus, ac esse volumus.

Statuta confirmat, & ius statuendi concedit.

§.2. Necnon dictam Archiconfraternitatem cum illius Oratorio in loco dictæ Ecclesiæ vicino in quibusdam domibus ipsi Archiconfraternitati, & illius Confratribus per Priorem, & Fratres dicti Monasterii, vel alios sub certis modo, & forma, tunc expressis, concessis construi incepto, omnibusque ejusdem Archiconfraternitatis bonis, & legatis, & elemosynis elargitis, & elargiendis, ac acquisitis, & acquirendis. Itaque ejusdem Archiconfraternitatis Confratres, seu Priores, vel Guardiani Archiconfraternitatem ipsam, & illius bona regere, gubernare, & administrare, ac de ejusdem bonis, legatis, & elemosynis ad eorum libitum, & prout eis videbitur, & placuerit, disponere, & illa in usus eis visos convertere possint, ac omnia, & singula statuta, & Constitutiones dictæ Societatis, quæ per dilectum filium nostrum Raynutum Farnesium tit. S. Angeli in foro Piscium Presbyterum Cardinalem S. R. E. Majorem Penitentiarium, & dictæ Archicon-

fraternitatis Protectorem confirmata, & approbata fuerint, confirmamus, & approbamus. Ac eisdem Confratribus, vel Prioribus, seu Guardianis quæcumque statuta, & ordinationes prosperum statum, ac regimen, & gubernium dictæ Archiconfraternitatis concernentia ad eorum libitum concedere, alienare, & mutare toties quoties eis videbitur, libere, & licite valeant, concedimus, & indulgemus, illaque ex tunc, prout ex tunc postquam condita, mutata, vel alterata fuerint, confirmamus.

Executores & defensores deputat.

§.3. Quo circa dicto Raynuto Cardinali, & Penitentiarium, ac moderno Protectori Archiconfraternitatis præfate alii Protectoribus pro tempore deputan. necnon universis, & singulis Patriarchis, Archiepiscopis, Episcopis, Abbatibus, & aliis quibuscumque in dignitate Ecclesiastica ubicumque locorum constitutis, Motu præfato per Apostolica scripta mandamus, quatenus ipsi, & eorum quilibet quoties fuerint pro parte dictorum Archiconfratrum, vel aliorum privilegium ab ipsis pro tempore habentium requisiti, eisdem in præmissis, & eorum singulis quomodolibet assintant, eosdemque faciant gratiis, & privilegiis præfatis libere frui, & gaudere. Non permittent. a quoquam desuper molestari. Contradictores, & rebelles per censuras Ecclesiasticas, appellatione postposita, compescendo, invocato, etiam ad hoc, si opus fuerit, auxilio brachii secularis, irritum quoque, & inane decern. quicquid in contrarium contigerit attentari.

Clausulas derogatorias apponit.

§.4. Non obstantibus Constitutionibus, & Ordinationibus Apostolicis, statutis, & consuetudinibus, etiam juramento, aut quavis alia firmitate roboratis, privilegiis quoque, indultis, & literis Apostolicis, etiam Motu proprio, & ex certa scientia, ac de Apost. potestatis plenitudine in præjudicium, seu contrarium præmissorum per Nos, & quoscumque Rom. Pont. Prædecessores nostros dictis, & aliis, quibusvis Ecclesiis, Basilicis, Hospitalibus, Societatibus, & Locis sub quibuscumque tenoribus, & formis, ac cum quibusvis clausulis, & decretis concessis, &c. confirmatis, &c., ac conceden. &c. Quibus omnibus, & singulis etiam si de illis, &c. tenores illorum pro expressis, & de verbo ad verbum insertis habentes hac vice derogamus, ceterisque contrariis quibuscumque.

Subscriptio pro Papa.

Concess. Motu prop. in præf. D. N. PP. C. Card. Borromæus.

Clausularum repetitio.

§.5. Et cum absolute a censuris ad effectum, &c. Et de creatione, erectione, constitutione, & deputatione, in Archiconfraternitatem cum confirmatione statutorum, &c. ac privilegiis, concess. gratiis, facultatibus, & derogationibus, ac omnibus aliis, & singulis præmissis, quæ hic pro repetitis, & expressis habeantur, perpetuo in forma gratiosa latissime exten. quatenus opus fuerit. Et quod præmissorum omnium, & singulorum major, & verior special. & expref-

Sola signatura sufficit.

Fides exemplorum.

Dat. P. An. V. die 5. Maii.

expressio fieri possit in literis per Breve nostrum expedien.

§.6. Seu si ipsis Archiconfratribus videbitur, sola præsentium signatura nostra sufficiat, & ubique fidem faciat in iudicio, & extra quacumque regula contraria non obstat.

§.7. Ac quod præsentis transumptis auctoritate manu Notarii publici, aut Secretarii dictæ Archiconfraternitatis subscriptis, & sigillo dicti Protectoris, vel ipsius Archiconfraternitatis munitis, eadem prout fides adhibeatur in iudicio, & extra, ubi exhibitæ fuerint, vel ostensa, prout originali adhiberetur, si ostenderetur.

Datum Romæ apud Sanctum Petrum Idibus Maii, Anno V.

XXXVII.

Inquisitorum hæreticæ pravitatis facultas, procedendi contra Sacerdotes, qui mulieres penitentes in actu confessionis, ad actus inhonestos provocare, & allicere tentant.

PIUS PAPA QUARTUS

Venerabili Fratri Archiepiscopo Hispanensi in Regnis Hispaniarum hæreticæ pravitatis Inquisitori Generali.

Quidam Sacerdotes abutendo Sacramento Penitentiae, mulieres in actu confessionis ad actus inhonestos provocant.

CUM sicut nuper, non sine animi nostri molestia, accepimus, diversos Sacerdotes in Regnis Hispaniarum, atque etiam in eorum Civitatibus, & Diocesisibus curam animarum habentes, sive eam pro aliis exercentes, aut alias audiendis confessionibus penitentium deputati, in tanta proruperint iniquitatem, ut Sacramento Penitentiae in actu audiendi confessiones abutantur, nec illi, & qui id instituit Domino Deo, & Salvatori nostro Jesu Christo injuriam facere vereantur; mulieres videlicet penitentes ad actus inhonestos, dum eorum audiunt confessiones alliciendo, & provocando, seu allicere, & provocare tentando, & procurando, ac loco eorum per Sacramentum hujusmodi Creatori nostro reconciliationis, graviori peccatorum mole eas onerando, & in manibus Diaboli tradendo, in Divina Majestatis offensam, & animarum perniciem, Christianidelium scandalum non modicum.

Contra quos iste Pontifex ab Inquisitoribus hæreticæ pravitatis inquiri decernit.

§.1. Nos in animum inducere nequeunt, quod qui de Fide Catholica recte sentiunt, Sacramentis in Ecclesia Dei institutis abutantur, aut illis injuriam faciant, fraternitati tuæ, de cuius eximia pietate, virtute, atque doctrina plurimum in Domino confidimus, per præfentes committimus, & mandamus, quatenus per te, vel per alium, seu alios a te deputandum, seu deputandos contra omnes, & singulos Sacerdotes dictorum Regnorum, ac illarum Civitatum, & Diocesisum de præmissis quomodolibet diffamatos, tam seculares, quam quorumvis etiam exemptorum, ac Sedi Apostolicæ immediate subsectorum Ordinum Regula-

res, cuiuscumque dignitatis, status, gradus, ordinis, conditionis, & præminentiæ existant, tam super præmissis, quam super Fide Catholica, & quid de ea sentiant, diligenter inquiras, & juxta facultatem tibi contra hæreticos, aut de hæresi quovis modo suspectos a Sede Apostolica concessarum continentiam, & tenorem procedas, ac culpabiles repertos juxta excessuum suorum qualitatem, prout juris fuerit, punias, eos etiam si, & prout de jure fuerit faciendum, debita præcedente degradatione secularis Judicis arbitrio puniendos tradendo.

Contrariis derogat.

§.2. Non obstantibus Constitutionibus, & Ordinationibus Apostolicis, ac Ecclesiarum, & Monasteriorum, necnon Ordinum quorumlibet, quorum ipsi Sacerdotes fuerint, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis sub quibuscumque tenoribus, & formis, ac cum quibusvis clausulis, & decretis, etiam Motu proprio, aut alias quomodolibet concessis, etiam iteratis vicibus approbatis, & innovatis, quibus omnibus eorum tenores præsentibus pro expressis habentes, hac vice dumtaxat specialiter, & expresse derogamus, ceterisque contrariis quibuscumque.

Datum Romæ apud S. Petrum, sub annulo Piscatoris, die 16. Aprilis 1561. Pontificatus nostri Anno II.

D. P. An. II. die 16. April.

XXXVIII.

Suppressio Officii Regentis Camere Apostolicæ, Sanctæque Romanæ Ecclesiæ Cardinali Camerario, aliisque ejusdem Camere Officialibus restitutio facultatum, jurium, & jurisdictionum.

Ex Regestis in Archiv. Vat.

PIUS EPISCOPUS

SERVUS SERVORUM DEI

Ad perpetuam rei memoriam.

ROMANUS Pontifex in supremo Justitiæ throno constitutus, circa ea curam adhibet potissimam, per quæ indemnitati quomodolibet provideatur, & suæ provisionis ope unicuique, quod suum est, tribuatur, ac interdum gesta per ejus Prædecessores suadentibus rationabilibus causis alterat, cassat, annullat, ac per eos mutata in pristinum statum reducit, ac alias desuper disponit, prout rerum, temporum, & personarum qualitate pensata conspicit in Domino salubriter expedire.

Proemium.

§.1. Dudum siquidem fel. rec. Paulus Papa IV. Prædecessor noster ex certis tunc expressis causis de fratrum nostrorum, de quorum numero tunc eramus, consilio, & assensu officium generalis Auditoratus Curie causarum Camere Apostolicæ, quod pro tempore existentis Romani Pontificis Auditor generalis, ac dictæ Curie Judex ordinarius existeret, tunc per obitum quondam

Paulus IV. suppressio officio Auditoratus Camere Regentem instituit; attribuit Regenti nonnullis facultatibus, & emolumentis, quæ ad Camerarium S. R. E. spectant.



dam Franeisci Alberici de Rachaneto ejuldem Curiae generalis Auditoris extra Romanam Curiam defuncti vacans, ejusdem Auditoratus nomine in perpetuum suppresso, & extincto, itaut de cetero officium ipsum non Auditoratus Curiae causarum Camerae Apostolicae, & illud pro tempore obtinens non Auditor generalis Curiae causarum hujusmodi, sed Regens Sanctae Romanae Ecclesiae Camerae Apostolicae denominaretur, & existeret, cum officio Correctoriae Archivi ipsius Curiae, & aliis illi forsan annexis in officium Regentis S. R. E. Camerae hujusmodi cum certis aliis tunc etiam expressis facultatibus, juribus, jurisdictionibus, privilegiis, exemptionibus, & indultis pro uno dictae Romanae Ecclesiae cujusvis ordinis Cardinale, qui in suis, & pro tempore existentis Romani Pontificis manibus praestaret fidelitatis debitae juramentum, & officium Regentis hujusmodi sibi per eum, aut Romanum Pontificem praefatum concessum absque dispensatione Apostolica ad ejus vitam obtineret, ac idem Tribunal, & eosdem Notarios, quod, & quos dictus Franciscus Auditor, dum viveret, habeat: Ita quod de cetero Tribunal, & Notarii hujusmodi Regentis, & non Auditoris praefati essent, & dicerentur, haberet, ac ubique locorum paribus facultate, voto, auctoritate, potestate, jurisdictione, etiam Sede Apostolica vacante, quibus pro tempore existens Sanctae Romanae Ecclesiae Camerarius ratione sui officii Camerariatus quomodolibet fungebatur, atque habebat, seu habere poterat, una cum eodem pro tempore existente Camerario pariformiter, & aequae principaliter, ac tam in dicta Camera, quam extra eam tot, & talia, quot, & qualia ipse pro tempore existens Camerarius ratione officii Camerariatus hujusmodi percipiebat, & habebat, seu percipere, & habere poterat, regalia perciperet, & haberet, ac emolumenta eidem Camerario ratione sigilli dari, & per eum percipi solita pro se ipso perciperet auctoritate Apostolica, & de Apostolica potestatis plenitudine transformavit, ac quatenus opus esset, in illud cum omnibus, & singulis honoribus, oneribus, privilegiis, juribus, salariis, & emolumentis, quae eidem officio Auditoratus competierant, necnon quibusvis facultatibus, indultis, jurisdictionibus, & decretis pro tempore existentis generali Auditori hujusmodi quomodolibet concessis, illa etiam approbando, & ad ipsum officium Regentatus extendendo ad instar dicti officii Camerariatus praefata auctoritate erexit, & instituit.

§.2. Ac inter alia ex decem officiis Notariatum Curiae causarum hujusmodi, quae ad ejusdem Praedecessoris, & pro tempore existentis Romani Pontificis dispositionem eatenus spectaverant, quinque officia per dilectos filios Joannem Savium, Felicem de Romaulis, Adam de Invidia, Ludovicum Reiidettum, & Joannem Barginum Curiae causarum Camerae hujusmodi Notarios tunc obtenta ad meram, & liberam pro tempore existentis Regentis Camerae hujusmodi dis-

Eius collationem quinque officiorum Notariatum Curiae causarum Camerae concessit.

positionem, ex tunc de cetero perpetuis futuris temporibus spectarent, & pertinerent, ac alias, & alia cum mandati, inhibitionis, derogationis, irritantis decreti, appositionis, & aliis clausulis tunc expressis statuit, ordinavit, & declaravit.

§.3. Et deinde idem Praedecessor officium Regentatus hujusmodi ab ejus primava erectione, & restitutione vacans cum dicto officio Correctoriae Archivi ejusdem Romanae Curiae, & aliis illi annexis, necnon omnibus, & singulis illi concessis, & attributis honoribus, oneribus, privilegiis, facultatibus, prerogativis, immunitatibus, exemptionibus, libertatibus, juribus, obventionibus, & emolumentis dilecto filio nostro tunc suo Alfonso tunc Sancti Nicolai inter Imagines, nunc vero Sanctorum Joannis, & Pauli Diacono Cardinali Neapolitano nuncupato per eum, quoad viveret, & Vice-regentem, ac Locatenentes ab eo deputatos exercendum auctoritate, & potestatis plenitudine, & consilio similibus.

§.4. Cum autem dictus Alfonso Cardinalis officium Regentatus hujusmodi, quod obtinet hodie, in manibus nostris sponte, & libere resignaverit. Nosque resignationem hujusmodi duxerimus admittendam.

§.5. Nos considerantes suppressionem, transformationem, erectionem, ac novarum facultatum, & privilegiorum dicto officio Regentatus concessionem hujusmodi multas inter omnes Romanae Curiae Magistratus rixas, discordias, controversias, & querelas excitasse, ac diversa incommoda toti Curiae praefata, ac sic Camerae Apostolicae praedicta, & damna intulisse, ac in posterum, nisi de opportuno remedio provideatur, excitaturas & illaturas fore, officiique nostri pastoralis esse, officialium nostrorum quieti, & tranquillitati consulere, & ut indebite oppressi ab eorum oppressionibus hujusmodi releventur, & justitia, in qua cunctis debitores sumus, libere exerceatur, quantum in Nobis est, providere, ac ulterioribus incommodis, & indemnibus eorum, qui occasione erectionis, & institutionis hujusmodi, quomodolibet gravati fuerunt, occurrere, singularum literarum praefatarum, omniumque in eis contentorum veriores tenores, ac si de verbo ad verbum infererentur praesentibus, pro sufficienter expressis habentes, ex praemissis & aliis rationabilibus, ac Nobis notis causis, habita super his cum venerabilibus fratribus nostris ipsius Romanae Ecclesiae Cardinalibus deliberatione matura, ac de eorum consilio, & unanimi assensu officium Regentatus Sanctae Romanae Ecclesiae Camerae hujusmodi, ac illius nomen, itaut de cetero officium ipsum non Regentatus Sanctae Romanae Ecclesiae Camerae Apostolicae, sed Auditoratus Curiae causarum Camerae Apostolicae, prout antea erat, & pro tempore obtinens non Regens Sanctae Romanae Ecclesiae Camerae Apostolicae, sed Curiae causarum Camerae Apostolicae hujusmodi Generalis Auditor, ut prius, existat, & illud, necnon quinque Notariatum officiorum pra-

Datumque Officium Alfonso Cardinali Neapolitano contulit.

Cardinalis Neapolitanus Regentatum resignat in manibus Papae.

Qui attentis discordiis ex hujusmodi erectione inter Tribunalia, & Magistratus Urbis obortis dictum Officium Regentatus S. R. E. Camerae suppressit, & Auditoratum eius antiquis juribus restituit.

praefatorum dispositio ad Nos, & pro tempore existentem Romanum Pontificem, etiam ut prius, pertineat, auctoritate praefata ex certa nostra scientia, ac de Apostolica potestatis plenitudine suppressimus, & extinguimus.

Litteras Pauli IV. super hujusmodi erectione invalidas.

§.6. Necnon tam Regenti, & Regentatus officio, quam illius Vice-Regenti, Locatenentibus, familiaribus privilegiis, concessionibus, facultatibus, jurisdictionibus, gratias, & indulta quaecumque in dicti Regentatus erectione, & institutione, aut alias per eundem Paulum Praedecessorem quomodolibet concessa, ac erectionem, & institutionem, ac cum statutorum, ordinationum, decretorum, declarationum, mandati inhibitionis, & aliis omnibus in eis contentis clausulis desuper confectas litteras praefatas cassamus, annullamus, irritamus, & viribus vacuumus.

Camerario, ceterisque antiquis iura restituit.

§.7. Ac Sanctae Romanae Ecclesiae Camerariatus, & alia Romanae Curiae officia, illorumque Tribunalia occasione prioris suppressionis, erectionis, & institutionis, statutorum, ordinationum, ac priorum, literarum hujusmodi quomodolibet gravata, seu a quibus jura, & jurisdictiones, quovis modo oblata, & distracta fuerunt, adversus illa, & cum ejusdem iuris, jurisdictionibus, facultatibus, privilegiis, & indultis, quibus Camerarius, & alia officia obtinentes, ac Tribunalibus Praesidentes, ac eorum Viceregentes, & Locatenentes, ante erectionem hujusmodi utebantur potiebantur, & gaudebant, necnon officium Auditoriatus hujusmodi in pristinum, & eum, in quo antea quomodolibet erant, statum in omnibus, & per omnia institui-mus, reponimus, & plenarie reintegramus, ac ad pristinum eorum naturam, ac facultates, & privilegia ante litteras praedictas eis quomodolibet competentia reducimus, necnon suppressa, extincta, restituta, reposita, & plenarie reintegrata, ac reducta fore, & esse.

Præsentes litteras obreptionis, vel subreptionis vitio notari non posse declarat.

Sic per quoscumque iudices iudicati praecipit.

§.8. Ac praesentes de subreptionis, vel obreptionis vitio, seu intentionis defectu notari, seu impugnari non posse.

§.9. Et ita per quoscumque Iudices, etiam causarum Palatii Apostolici Auditores, ac ipsius Romanae Ecclesiae Cardinales, sublata eis quavis aliter iudicandi, & interpretandi facultate, & auctoritate, iudicari, & diffiniri debere, necnon si secus super his a quoquam, quavis auctoritate scienter, vel ignoranter contigerit attentari, irritum, & inane decernimus.

Derogat contrariis.

§.10. Non obstantibus praemissis, & si opus sit, de non tollendo jure quaesito, ac aliis Constitutionibus, & Ordinationibus Apostolicis, necnon quibusvis statutis, etiam juramento confirmatione Apostolica, vel quavis firmitate alia roboratis, privilegiis quoque, indultis, & litteris Apostolicis, quibusvis quomodolibet concessis, approbatis, & innovatis, & in posterum concedendis, approbandis, & innovandis, quibus omnibus, etiam si pro illorum sufficienti derogatione, de illis eorumque to-

tenoribus specialis, specifica, & expressa, & individua, ac de verbo ad verbum, non autem per clausulas generales idem importantes mentio, seu quavis alia expressio, aut aliqua alia exquisita forma servanda foret, tenores hujusmodi, ac si de verbo ad verbum, nihil penitus omisso, & forma in illis tradita observata inserti forent, praesentibus pro expressis habentes illis alias in suo robore permanfuris, hac vice dumtaxat harum ferie specialiter, & expresse derogamus, ceterisque contrariis quibuscumque.

§.11. Nulli ergo omnino hominum &c. Datum Romae apud S. Petrum Anno Incarnationis Dominicae millesimo quingentesimo sexagesimo primo, Decimo octavo Kal. Maii Pontificatus nostri Anno II.

Clausula. Dat. die 14. Aprilis 1561. Pont. An. II.

XXXIX.

Applicatio R. C. Apostolicae, omnium fructuum beneficiorum Italiae Sedi Apostolicae reservatorum, seu affectorum, pro tempore, quo aliter quam per cessum, ipsa beneficia vacaverint.

PIUS PAPA QUARTUS

Ad futuram rei memoriam.

Cupientes malitiam nonnullorum, qui in possessione Monasteriorum, & aliorum beneficiorum Ecclesiasticorum dispositioni Apostolicae reservatorum pro tempore vacantium, sine iusto titulo, ac sine litteris Apostolicis, ut illorum fructus durante vacatione hujusmodi usurpent, se intrudere non verentur, occurrere, & Camerae nostrae Apostolicae gravissimis oneribus in aliqua parte sublevandis, quantum cum Deo possumus, consulere, Motu proprio, & ex certa nostra scientia, ac matura deliberatione nostris, deque Apostolica potestatis plenitudine.

Causae hujus applicationis.

§.1. Omnes & singulos fructus, redditus, & proventus, ac jura, obventiones, & emolumenta quaecumque quomodolibet, & qualitercumque nuncupata omnium, & singulorum Monasteriorum etiam Consistorialium, & Beneficiorum Ecclesiasticorum cum cura, & sine cura, secularium, & quorumvis Ordinum regularium Nobis, & Sedi Apostolicae, tam per Constitutiones Apostolicas, quam Cancellariae Apostolicae regulas editas, & edendas, seu alias quomodolibet, & ex quavis causa, generaliter, vel specialiter reservatorum, seu affectorum in partibus Italiae in quibus Collectores, & Subcollectores spoliatorum, & jurium Camerae Apostolicae praedictae esse consueverunt, ac eorum Civitatibus, & Dioecesium consistentium, per obitum, & alias quovismodo, praeterquam per cessum illa obtinentium, pro tempore vacantium, a die ipsorum Monasteriorum, & beneficiorum vacationis pro rata temporis usque ad diem provisionis, seu commendae de eisdem beneficiis.

Applicatio R. Cam. Apostolicae fructuum beneficiorum Sedi Apostolicae reservatorum, seu affectorum in Italia a die vacationis, usque ad diem provisionis, &c.



neficiis, & Monasteriis per Nos faciendae, de qua per literas nostras sub plumbo, & non aliter constare debere volumus, eidem Camera auctoritate Apostolica tenore praesentium reservamus, applicamus, incorporamus, & approbamus, illaque ei reservata, applicata, incorporata, & appropriata esse, & fore, & ad illam spectare, & pertinere.

Facultas Collectoris exigendi dictos fructus.

§.2. Nullumque praeter Nos, & dictam Cameram, aut dilectum filium Donatum Matthaeum Minalem, ac pro tempore existentem Thesaurarium nostrum, ac Spoliolum, & aliorum jurium ipsius Camerae Collectorem generalem, vel ejus Subcollectores ea percipere, exigere, & recuperare, aut alias se in illis intromittere posse, aut debere tenore praesentium statuimus, & ordinamus.

Inhibicio contra alios ne desuper se intromittant.

§.3. Et nihilominus ne aliquod impedimentum huic nostrae ordinationi occurrat, quibusvis Archiepiscopis, Episcopis, & aliis locorum Ordinariis in virtute sanctae obedientiae, ac sub suspensionis a divinis, & interdicti ingressus Ecclesiae, quoad Archiepiscopos, & Episcopos, quo ad vero alios inferiores, etiam sub privationis facultatis conferendi beneficia in eorum mensibus pro tempore vacantia poenis districte praecipimus, & inhibemus, ne beneficia dispositioni Apost. reservata, seu affecta quovis praetextu, causa, aut quaesito colore cuiquam conferre, seu de illis providere, aut in illis, vel eorum possessione sese intromittere quoquomodo audeant, vel praesumant.

Clausula sublatam &c.

§.4. Sicque in praemissis omnibus, & singulis per quoscumque quavis auctoritate fungentes Iudices, Commissarios, & personas, sublata eis, & eorum cuilibet quavis aliter iudicandi, & interpretandi facultate, & auctoritate, iudicari, & definiti, debere, irritum quoque, & inane decernimus, si secus super his a quoquam quavis auctoritate scienter, vel ignoranter contigerit attentari.

Facultas Collectoris in executione huius Constitutionis.

§.5. Mandantes eidem Donato Matthaeo, & pro tempore existenti Thesaurario, & Collectori, ut nostro, & dictae Camerae nomine fructus, redditus, proveniunt, jura, obventiones, & emolumenta huiusmodi per se, vel ejus Subcollectores praedictos, etiam propria auctoritate exigat, percipiat, & levet, sibi que nihilominus consignari, & tradi ab omnibus ad quorum manus pervenerint pro rata praedicta per censuras & poenas ecclesiasticas, per personas ecclesiasticas ab eo eligendas fulminandas, & alia opportuna juris, & facti remedia, quacumque appellatione postposita, faciat, & curet, invocato etiam, si opus fuerit, auxilio brachii secularis, super quibus omnibus, & singulis plenam, & liberam illi per praesentes concedimus facultatem.

Clausula derogatoria.

§.6. Non obstantibus Constitutionibus, & Ordinationibus Apostolicis, ac Monasteriorum, & illorum Ordinum, ac beneficiorum praedictorum, etiam juramento, confirmatione Apostolica, vel quavis firmitate alia roboratis statutis, & consue-

tudinibus, privilegiis quoque, indultis, & literis Apostolicis illis, & quibusvis aliis personis sub quibuscumque tenoribus, & formis, ac cum quibusvis, etiam derogatoriis derogatoriis, aliisque efficacioribus, efficacissimis, & insolitis clausulis, irritantibusque, & aliis decretis, etiam Motu, & scientia similibus concessis, confirmatis, & innovatis, quibus omnibus, etiam si pro illorum sufficienti derogatione de illis eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes mentio, seu quavis alia expressio habenda foret, tenores huiusmodi praesentibus pro sufficienter expressis, & insertis habentes, illis alias in suo robore permansuris, hac vice dumtaxat harum serie specialiter, & expresse derogamus, illaque adversus praemissa nullatenus suffragari posse, sive debere decernimus, ceterisque contrariis quibuscumque.

§.7. Volumus autem, quod ex fructibus, redditibus, & proveniunt per dictum Thesaurarium, & etiam Deputatos pro rata huiusmodi percipiendis onera quaecumque dictis beneficiis incumbentia similiter pro rata temporis supportari debeant.

§.8. Quodque praesentium manu Notarii publici subscriptis transumptis, & sigillo personae in dignitate ecclesiastica constitutae, seu Curiae ecclesiasticae munitis eadem prorsus fides in iudicio, & extra adhibeatur, quae eisdem praesentibus adhiberetur, si forent exhibitae, vel ostensa.

Datum Romae apud S. Petrum, sub annulo Piscatoris 25. Aprilis 1561. Pontificatus nostri Anno secundo.

Declaratio quod ex dictis fructibus mota beneficia supportentur.

Exemplorum files.

Dat. P. An. II. die 25. April.

XL.

Jurisdictione, & facultate Auditoris causarum Curiae Rev. Camerae Apostolicae.

Hoc officium est antiquissimum, & plures ei Pontifices auferunt jurisdictiones, ut notavi in Const. IX. Innocent. VIII. Apprime. Tom. III. Par. III. fol. 206. Extinctum fuerat a Paulo IV. & Regentatus S. R. E. Camerae a se noviter erecto unitum; ab hoc autem Pontifice in pristinum restitutum, ut in Constit. XXXVIII. fol. 77. videre est superius.

PIUS EPISCOPUS, SERVUS SERVORUM DEI Ad futuram rei memoriam. Venerabili Fratri Flavio Episcopo Muran. Salutem & Apostolicam benedictionem.

Ad eximiae devotionis affectum, quem cum fidei constantia, & sinceritate mentis, tu, & progenitores tui ad Nos, & Romanam Ecclesiam gerere comprobamini, necnon generis nobilitatem, eximiamque doctrinam, ac in rebus gerendis experientiam, & dexteritatem, necnon fidei, & iustitiae, zelum, ac integritatem, singula-

Procerium.

gularerque probitatem, necnon ceteras virtutes, quibus personam tuam illarum largitor Altissimus multipliciter insignivit, nostrae dirigentes considerationis intuitum, ac propterea indubiam spem gerentes, quod ea, quae tibi duxerimus committenda, summa cum providentia, & exacta cum diligentia laudabiliter exequeris, dignum quin potius debitum arbitramur, ut eandem personam condignis honoribus, & gratiis prosequamur.

Officium Auditoris Camerae vacavit olim per obitum Francisci Alberici, & in Officium Regentis Camerae transformavit & illud Cardinali de Neapoli concessit Paulus V. cuius Bullam uti octies praeterii.

Vacavit postea per resignationem, & illud hic Pontifex supplesit.

§.1. Dum itaque Nos nuper officium generalis Auditoriatu, seu Audientiae Curiae causarum Camerae Apostolicae, quod antea tunc per obitum quondam Francisci Alberici de Rachanero, olim Curiae causarum huiusmodi generalis Auditoris, extra Romanam Curiam defuncti vacans, fel. rec. Paulus Papa IV. Praedecessor noster, ex certis cum expressis causis nomine Auditoriatu in perpetuum suppresso, & extincto in officium Regentis S. R. E. Camerae Apostolicae de fratribus suorum consilio Apostolica auctoritate transformaverat, ac in illud exererat, & instituerat, ac postmodum officium huiusmodi ab ejus prima va erectione, tunc vacans, dilecto filio nostro Alphonso, tunc S. Nicolai inter Imagines, nunc vero sanctiorum Joannis & Pauli Diacono Cardinali Neapolitano nuncupato, dicta auctoritate concesserat, & assignaverat.

§.2. Cum dictus Alphonfus Cardinalis officium Regentatus huiusmodi in manibus nostris sponte, & libere resignasset, Nosque resignationem huiusmodi duxissemus admittebam, habita super his cum venerabilibus fratribus nostris ejusdem S. R. E. Cardinalibus deliberatione matura, ac de eorum consilio, & unanimi consensu, Officium Regentatus huiusmodi ejus nomine, & denominatione huiusmodi per Nos suppressis, & extinctis, ac illius erectione, & institutione praedictis, necnon literis Apostolicis desuper confectis revocatis, cassatis, & annullatis, adversus erectionem, & institutionem, necnon literas Apostolicas praefatas, ac in pristinum, & cum, in quo ante illius suppressionem, necnon erectionem, & institutionem huiusmodi erat, statum, pristinamque naturam in omnibus, & per omnia restituimus, reposuimus, & plenarie reintegravimus, prout in literis Apostolicis desuper confectis, ac manu nostra, & doctorum fratrum nostrorum signatis plenius continetur.

Et modo officium A.C. obfert Flavio Ursino cum salutaribus facultatibus & maxime infrascriptis.

§.3. Nos, post longam super hoc habitam discussionem, & maturam deliberationem, in te oculos nostrae mentis conicientes, ac de supradictis tuis virtutibus specialem in Domino fiduciam fumentes, ac sperantes, quod tu, qui Ecclesiae Muran. praesse dignosceris, ac utriusque juris Doctor, & in utraque Signatura nostra Referendarius, & Praelatus domesticus noster existis, dextera Domini tibi assistente propitia, Officium huiusmodi scies, voles, & poteris, ad laudem, & utilitatem multorum fideliter exercere, Teque a quibusvis excommunicationis, suspensionis, & inter-

dicti, aliisque ecclesiasticis sententiis, censuris, & poenis, a jure, vel ab homine, quavis occasione, vel causa latis, si quibus quomodolibet innodatus existis, ad effectum praesentium dumtaxat consequendum, harum serie absolventes, & absolutum fore, censentes, ac suppressionis, erectionis, & institutionis, necnon literarum praefatarum veriores tenores, ac si de verbo ad verbum infererentur, ac verum, & ultimum dicti Officii Auditoriatu vacationis modum praesentibus pro expressis habentes, Motu proprio non ad tuam, vel alterius pro te Nobis super hoc oblate petitionis instantiam, sed de nostra mera liberalitate, & ex certa nostra scientia, ac de Apostolica potestate plenitudine, Officium Auditoriatu, seu Audientiae Camerae huiusmodi, sive per similem resignationem Alphonfi Cardinalis, seu adhuc per obitum Francisci praedictorum, sive alias quovis modo, quem haberi volumus pro expresso vacet, cum Officio Correctoriae Archivii Romanae Curiae, aliisque illi annexis, necnon omnibus, & singulis illius honoribus, privilegiis, juribus, & regalibus, vel alias nuncupatis emolumentis consuetis, ac facultatibus, & indultis, ac decretis etiam in ordine, & modo procedendi in causis eidem Francisco, & aliis, qui pro tempore fuerunt causarum Curiae generalibus Auditoribus, etiam per fel. record. Julium II. Leonem X., Clementem VII., Paulum III., & Julium etiam III., ac alios quoscumque Rom. Pont. Praedecessores nostros, ac etiam Nos, & Sedem Apostolicam sub quibuscumque tenoribus, & formis, ac cum quibusvis clausulis, & decretis, tam sub plumbo, quam in forma Brevis, & alias ex usu, stylo, & consuetudine quomodolibet concessis, tibi Apostolica auctoritate, tenore praesentium concedimus, & assignamus, Teque in nostrum, & dilecti filii nostri Guidonis Aescani S. Mariae in Via-Lata Diaconi Cardinalis de sancta Flora nuncupati moderni, & pro tempore existentis Camerarii nostri, ac causarum Curiae huiusmodi generalem Auditorem, cum honoribus, oneribus, privilegiis, juribus, emolumentis, facultatibus, & decretis praedictis, constituimus, & deputamus, teque in locum dicti Francisci, quoad huiusmodi Auditoriatu Officium, ejusque exercitium, quoad vixeris, substituimus, & subrogamus.

§.4. Tibique per te, vel alium, seu alios idoneum, seu idoneos Locumtenentes tuos, quos pro tempore duxeris assumptos, vel deputandos de omnibus, & singulis causis, modis, & formis, supras, & infrascriptis cognoscendi, & illas decidendi facultatem concedimus. Ita quod tu in causis obligationum in forma Camerae celebratarum solus (praeterquam inter Cives Romanos, inter quos Motum proprium ultimo loco per Nos desuper in favorem Populi Romani concessum observari volumus, alii vero quicumque etiam Roman. Cur. Iudices in similibus causis, nullatenus, nulloque modo procedere possint) procedere

Causa obligationum in forma Camerae privatae quo ad alios cognoscendi.